



令聞長嫻閨訓采蘋采藻尸宗室以有齋曰旦曰明嬪君子而稱灑  
年僅廿九卽破鏡分飛其所以集蓼茹荼誓天指日者可謂鐵石爲  
心冰霜著節者也遼事內 太翁姑高堂侍養婦攝子儀愛苴蒺藜  
蒸梨剝棗膝下有承歡之樂白頭無西顧之悲孝感動 非云虛譽  
母氏舉三舅一女幼孤失怙或龙熊以寄愛或畫荻以示嚴鞠育勤  
劬母兼父職毛羽豐滿正擬三鳳齊飛蘭桂飄零同赴玉樓成賦蒙  
泉剝果僅存伯氏一藐孤否極泰來已見韞然露頭角兩娶賢室廣衍  
先澤之綿雙獲明珠可卜後裔之熾其爲傳氏延宗承祀至計矣若  
乃和睦妯娌欵洽姻親凡遇有無緩急典鈿相恤解珮解全至於主  
持中饋綜理門戶曾不資婢僕之力傳曰君  
謂與 歲春孫 六淵 以祖母誕壽八十請圖

白畫

肯已久懸空著

不直

上

有之人並肩畫軸中

也此事雖微

亦可見母氏之冰堅玉潔如白日者矣茲

收妄爲揚掄

據事敷陳以待輔軒之採云爾

雍正歲在著雍涪灘一陽月上浣吉旦 門下子媚方瓘頓首百拜撰

焜九十傅公行傳

傅公行焜九十諱光煥字南卿號靖南爲庠生子文先生嗣君先生  
舉三子靖南公序居長庄稟異質喜讀書焚膏繼晷靡間寒暑髫年  
應童試輒見賞於有司繼以母歿考翁耽志經史且勵次幼兩君以  
學遂不獲卒業以綜持門戶爲已任公素性樸澁不事華勤儉持  
躬秩然就理奉親克體志承歡曲將其敬顧愛諸子侄不尙好忘勗  
以孝友存心耕讀爲務詞氣間不飭自莊不肅自嚴有以消人矜勝  
之習凡鄉里族黨見其家子弟循匕守禮各有執守不至隕越舉莫

不稱之公家教周且摯也族人推理祠事矢公持正遇事敢言弱不侮而強不畏柔不茹而剛不吐抑且好行其德恤孤救貧解紛排難無不本於至誠古所稱匹夫爲善而足以化導鄉人者公殆其人歟公生於康熙元年九月廿二日寅時卒于雍正五年四月廿二日巳時生子四皆以象賢稱公侄景宣因余熟識以公生平屬狀於余七按其節畧贊言之如此以垂之久遠云

昔

雍正七年歲次己酉孟夏之吉

吏部揀選知縣甲午科舉人

眷弟王廷珠拜撰

焜九十三文學暨方安人傳序

余嘗觀逸史梁鴻有饋食之孟冀缺有相饁之姜未嘗不嘆士人之修身齊家皆資內助之也昔傅公諱光身字孟修者邑庠生子是翁之

家君少失怙賦質穎敏年十八卽蜚聲譽序其人狀貌魁梧敦禮讓崇  
實行吾婆醇謹士也復得淑配方安人姆訓素明克循婦道與公相敬  
如賓琴瑟靜好婉然有鷄鳴戒旦之風故公之奉慈惟撫幼弟肫誠懇  
至怡匕無間言者而安人之事姑長以敬處妯娌以和實克相之公持  
已端莊接人遜順制行無慚衾影解紛不辭勞瘁者而安人之謹法度  
工烹飪實克佐之是公固可爲閭里光而人安亦足爲閨闈式奈修矩異  
數公始逾強仕而捐館去世安人嫠居後屏華麗服素裳語未嘗高聲  
笑未嘗露齒家廟祭祀外足不履堂前至今三十餘載耄耄至矣而霜  
操冰節歷久彌堅非其純白無疵者乎且記室有子撫卹親生勤匕教  
誨今令嗣皆循匕雅飭者實安人訓導之力也謂非內助之得人哉余  
與公姻婭復西席安人母族因得詳識其懿行今傅氏宗譜將成令冢  
男其宏以傳請余故樂爲之序以彰淑善且以示後云

雍正巳酉年仲夏月

廩膳生眷晚弟俞鐸頓首百年撰

焜一百  
八飲寶  
一百五十二文學

暨二公元配安人合傳

飲寶惟耀公號陶然庠生惟著公號醉月森一百四十三文學

子翰太翁之二子也其先高祖五世同居二公克承先訓以踵

厥美又慕浦陽鄭綺為人取其家規數十則酌而行之門內益肅

然稱治二公性友愛遇事相議後行以至飲食衣服之細無異年

俱古稀猶歡若少年兄弟族有義舉二公必踴躍倡率如重建報

本祠飭材鳩工以身肩其任九修宗譜捐重金以董其事此其彰

匕者生平不厭人告索歲旱頗次捐賑族黨或嗟仰屋不時遺贈

親友不能婚娶者資之二公高行至今並稱道勿絕其子姓羣從

食繁百口各曲體二公意守家聲不墜初耀公嫡配黃安人未舉

子為翁置側室姜氏生二子曰根曰枝邑岸庄後安人生二子曰

本曰楫著翁嫡配安人亦黃氏生一子曰梁

郡學飲賓

側室邵氏生

一子曰樞

郡庠生

嗚呼二公孝友善行固足多而其娣姒之間又皆

以不妬聞易曰男正位乎外女正位乎內其是之謂夫

大清乾隆二十四年歲次己卯瓜生月中浣之吉

吏部揀選知縣康熙癸巳

萬壽恩科舉人改授浙江寧波府鄞縣儒學教諭

義邑通家眷教弟陳世德頓首拜撰

○鳴章傅公傳

行規百十一

公字鳴章生而素豐然偃僂循墻謙冲藹吉之衷所性已然並無膏梁之習所謂守身若處子者惟公有之非仁非義之事雖小不爲取與嚴乎一介禮義辨乎萬鐘所謂克己似將軍者惟公有之人犯絕不與校生平未嘗見其疾言厲色所謂容人若宰相者惟公有之抑且口不談是非足不入城市倘佯於桑麻耕鑿之天逍遙於無懷葛天之世渾七噩七人俱羲皇上人娶於周岳翁字錫祉爲康熙己丑科歲進士初館於太翁家公爲門弟子以公敦樸妻之以女至今服其操鑑之精第公僅享中壽人每爲公惜不知芳名傳之百世厥子斲焉露其頭角是公之壽正未有艾也夫

皆

雍正七年歲次己酉桂月上浣之吉



丙午舉人年家眷弟吳建拜撰

○焜百七十六文學行狀

君諱光芝字莖九其先由乃祖仁甫公者啟家良溪之口構堂築室秀傑漸興迨君之父尊諱爲韜伯斌其字也由邑庠廩膳生拔貢官任處州雲和儒學訓導一邑士民均載企令德於勿替梓列有五而君居長秉姿穎異操心嗜學比年一十有五受經房伯旣勤先生與余同事函丈朝夕砥礪無少間隙嘗夜靜研思相與考訂微言與義多有發揮每遇文會干言可待精思效緒若有不經人意者余年差長有三常自退遜歲在壬申翰林院侍講學士鄭公諱開極奉命督學兩浙與余均叨鶴薦同入宮墻而君植身制行彌加攻錯夙夜弗懈深自判制棘闈屢貢惜困一經生平爲人

惇龐醇篤和厚溫柔孝于雙親友于兄弟諸父母以及親族莫不感其德愛年至六七而歿塋於祖塋東下宅塢之原元配蔣氏賢而能守克儉克勤內治井然命五嗣受業于余其男若受公者年甫弱冠已入黌宮若裕公者善持家業與三四五弟二十年來家貲十倍孫曹聚立無有間言雖能在諸嗣亦由厥父積行所貽也君當日篤志以承先勵行以裕後揆之昔所傳賢何有多讓但恐歿也久粹行湮沒無以顯白於後世吾與君處最久知子爲最深因不自揣固陋敷陳以狀之以附家乘之末云

邑庠生同學愚叔公本武謹撰

○金華傅公豹文傳

行焜一百八十九

公名炳光字豹文九歲而孤與祖母母形影相弔也當公喪父時公族人咸爲公慮之公戚然曰天平人哉孰是予藐諸者乎

所可恃者終日言不遺已之憂以憂父母終日行不遺已之患以  
患父母是無是形而託儼然於堂上者是不需菽水而朝夕承歡  
者也孰謂予藐諸者乎公由是恪遵母訓童年矻矻如成人性穎  
悟善記誦年十六補邑庠識者皆以大器期之公益奮志功名仰  
慕昔人盛年樹立扼腕之間無不志在千里及屢試不售慨然曰  
往而不可還者親乎懸而不可知者祿乎昔在襁褓以有今日卽  
使不肖孤列鼎而祭先君子何如竭力耕田之逮二安人存也乃  
益治產所致二安人其脆之奉無所不至及齋用旣繞宗族貧者  
來售田卽使田售宅卽使居有緩急公輒與居間然計畫之耳不  
必人匕嘗施焉以故里中曲聽公無不以公爲長者雅善飲親朋  
相覲歡然道故飲可五六斗然未嘗至亂應酬之際秩如也年四  
十餘卽以家務委諸仲君而獨與二三知己飲酒敲棋陶然豁然

以永朝夕將所謂自適其適者非歟公素剛方正衣冠尊瞻視居  
族黨雖狎必以禮見里中輕薄少年鮮衣怒馬作豪華態輒舉以  
誠諸子曰父兄口約腹裁以冀盈餘留之孫子若輩乃陰視之如  
土恣紈麗游飲詬笑不轉眼而蕩家破產轉于溝壑若是者豈不  
哀哉吾幼時終鮮兄弟癸子立稍不慎而流爲習小之歸夫誰  
禁之者惟而父少遵母訓故有今日耳嘗記而祖母有言節嗇嘗  
有餘奢靡苦不足而輩念之當極不忘耳公喪父時母年三十有  
二其祖母亦三十二而寡蓋代有節婦焉若公者可謂無忝所生  
者矣卒年五十有四有四子皆能世其家學焉予屬姻誼稔悉公  
故爲叙公之嘉言懿行載之家乘俾爲之子若孫者毋忘祖父之  
世澤云爾

雍正戊申大簇上浣

義邑峇弟俞慧拜撰

東山... 一 修完譜  
○焜二百十二朝奉記

行焜二百十二者諱光焜字敬仲年五十而遽亡矣其妻余氏名門女有德操郎天山庠士余必匡之女也痛無所出幸媵生一子以續極念夫夫之在日勤勞門戶頗有產數畝百般鞠育纔得成齡不幸而孤又殤矣焜嗣不幾絕哉幸二叔有侄聊可繼世竊觀二叔近况恐逆見中破未爲長策朝暮哀酸志在定產忽有告氏者曰圖久遠者莫若鑒於祖考沛九十一府君位下托爲入譜以存祭祀不亦休乎於是次晨整衣悅鋪筵席將田二石拜托家長遍填花押衆曰唯七卽出資托祠鐫梓動見喜色曰事若此則殷者得以瞑目而生者亦無仰面之耻矣則妾得沒於九泉之下永無慚色蕃因請聞而壯之高其節以爲余氏作傳記譜

計開田一坵計一石五斗

土名周八井

田一坵計五斗 土名屋基塘 有合同議約七紙 各存執照

五房各一紙 余一紙 氏存一紙

雍正六年莢花月

之吉立

○焜二百六十九府君行傳

諱光葵字映輝號安山

親翁映輝傅公者森四百五十五太翁之令嗣也太翁舉丈夫子  
六公居長幼有才畧以伯翁皆銳志青雲而太翁專主家政不忍  
其父獨勞時相協理翁嚴而公濟之以寬翁儉而公佐之以舒勤  
謹明敏經濟多方廣腴田拓華廈而家聲丕振且品行方正舉動  
循禮奉嚴慈温清必親甘脆必具肫匕懇匕庭無間言諸季幼小  
而撫愛尤深有姜被之風後以食指頗煩而泔 兵燹田園之廢  
者必以讓器用之美者必以遜視孟嘗之孝友又何愧焉淑配俞  
安人性和德順姆訓素嫻婦道克謹事舅姑相夫君兼得其善舉

東山... 一修...  
三子長君商賢厚重廉明族推督理祠事輯修宗譜次習農幼習  
儒咸有執守故人皆嘖匕公教之嚴明不衰何意不永公年復遭  
祝融之災然成敗有數振興在人公子商賢痛祖父創造之艱篤  
一本同氣之義糾合旣散之家復聚共食爰得復其祖業顏其堂  
曰六肯夫亦以同心合志而荆樹再榮其堂構復成者悉遵先人  
友愛之遺意也余與公至親素慕公懿行而復樂公之有子也爰  
次其巔末而爲之傳

崑

雍正七年歲在己酉荷月

吉旦

吏部揀選知縣癸卯科舉人

年家眷教弟莊

甲拜撰

○焜二百七十二傅公序

國家取士先實行而後文藝未有專事文藝而足見重於儒林亦

未有克修實行而不選拔於膠庠者也屏姑丈唐公力學不倦蜚聲庠序吾婺名士也其爲人不苟與不苟取然諾必踐細行必謹常曰禮義廉耻持身之本乃大節攸關斷不容壞吾輩雖蒙迂誦必確守也至閭里之是非涇渭甚明而言不妄發惟以孝友耕讀訓其子孫此真實行克敦有功名教爲儒林之欽仰者矣視世之僅負雕蟲薄技竊士之名者相去奚啻天淵卽屏姑配適名門修婦道敦母儀俱足爲閨闈式非所謂德以配德兩美必合者乎表兄輩皆鳳毛麟趾行將搏扶搖而上雖其賦性穎敏孰非公之訓示詳明所致哉屏故謹叙其行以登家乘俟夫後之採訪以聞者雍正七年歲次巳酉蒲月之吉

義邑庠生丙任王之屏頓首拜撰

○東山聲始傳公傳

行焜三百八



公諱洪字昭卿號聲始純齋翁之長子也器宇軒昂天資純謹幼  
年博極群書聲馳羈邑援例入國學方擬振策入都以取金紫後  
以純齋公去世居廬不能行公旣痛父之逝孝養慈闈彌加曲至  
友愛二弟一室以內怡匕如也理家政出入有經豐儉有節以故  
家世號素封得公而益以隆起公屈仕進之才而用之于家未嘗  
孳匕以謀而守祖訓戒侈靡自完而美由均而安固其宜也教諸  
子嚴而有法責之學古人每自塾歸經書制藝口講指畫常至夜  
分不倦故諸子後日皆學問有成行修名立前之僅以守家稱公  
者猶淺之乎測公矣夫以公之德固宜享遐齡而受福祉竟以中  
壽卒里中咸悼之配吳氏安人望出椒山初歸公適舅姑所視膳  
問寢必恭必敬繼以舅老叔幼公方奮志舉業凡大小庶務咸肩  
其任雖言不出閫而持筴指使適當舅姑心及舅姑患病晝夜侍

奉衣不解帶者數年一飲一食捧盤匱而親進雖有婢媵勿遣也處妯娌不徇私不凌弱同甘均苦始終無間言有王祥王覽姊姒之風公旣謝世安人以慈母兼嚴父督以詩書繩以禮法少不率教卽嚴色召對必其子跪而請改然後復初由是四子槐榮而桂茂遺之者公成之者安人之力也長士齊入國學方正梗直表式鄉閭次士升三士且幼士恒俱早歲遊庠樹幟文壇爲士林所推服諸孫十數人莫不循家教業詩書歲丙寅冬爲安人七袞設悅之辰子孫舞綵捧觴姻黨登堂獻祝錦繡煌七衣冠林立稱一時之盛今已八十三齡矣而康強如昔精力倍常行見建百歲坊而稱仙母稱人瑞也婦道母儀兩無遺憾康寧祿壽萃于一身公雖不及上壽而亦可含笑於地下矣余旣知聲始公之爲人而併悉其家慶而羨之爰次其事而爲之傳

東山... 十一... 修完...  
皆

大清乾隆廿四年歲次己卯桂月望日之吉

賜進士出身翰林院修撰

欽差福建典試前翰林院編修庶吉士金華府七學教諭

年家眷侍教生諸  
錦端肅頓首拜撰

○文學彥明先生傳

行焜三百六十六

先生奇偉士也性至孝太夫人年踰髦鬢孺慕有加敬事長兄友  
愛少弟與人交肝膽照人清若秋水齒牙吐慧艷于香雪家素儒  
業世有負郭腴田無憂饘粥先生決意進取咕嗶之外不涉一事  
遊庠後十困場屋中年遇更坎坷在他人未免以家計紛心而先  
生處之淡如未嘗見其愁着而攢額其進取之志可謂百折不回  
者矣夫科名爲儒生分內事然世方狙于所習見決意進取者相

與目笑存之而先生以遭太夫人喪哀毀過禮兼以不遂其捧檄之心憂勞成疾而卒嗟乎鵬鷓未飛蝸與鷺鳩笑之士之不得志于世也類皆如斯而又何悲哉雖然自先生沒而學者習聞芥拾功名之說其進取之氣不鼓而勇是則先生之大有惠于吾宗者也

同學愚叔

益撰

○焜三百六十七公行傳

公諱光漳字煥文行焜三百六十七公天資樸茂敏悟尤異尋常髫齡遊於里巷先達見者咸以大器屬之迨出就外傅後行止最謹恪言笑不輕凡靡麗紛華舉世所共慕者公皆處之澹然了無動於其懷則胸襟超曠誠有得於所賦之厚而非人所易及矣況道德文章又傅氏之家風所素有以公之美質起而紹之振奮之

東山  
良甚易匕奈幼多腹疾加以獲於內愛極深因弗致力舉業然其  
志皎潔其行軒昂卒迥出乎儕輩燕居之日一見後生稍卽於苟  
且佻達輒面斥之不肯暫爲寬假嚴氣正性卓匕乎爲州里所推  
重人之受形於天地果不甘自處菲薄而整飭乃躬寧患其名磨  
滅不彰如公是也余不克親與公接近聞公之行誼於人心竊慕  
之因爲立傳以繫於家乘以便其後人得有所考云公生康熙庚  
申卒乾隆丁巳享年五十有八淑配崇門龔氏少公七年而生先  
公二年而卒子二長紹槃幼紹槎能克厥家孫二從考從翰頭角  
俱崢嶸是知公之令德不獨榮其名抑且庇其後矣

肯

龍飛乾隆二十三年歲在著雍攝提格律紀大呂上浣之穀旦

南坪吳

朔頓首撰

○焜三百九十府君暨朱氏安人傳

歲戊寅族有事於譜太學履疆者首事也欲爲先人焜三百九十  
宣教暨朱氏安人列傳因同在局商於余七謝年幼未悉兄遺行  
請詳語之太學戚然曰姪聞諸母氏曰爾翁之於祖考妣也昏定  
晨省不離左右及含悲風木每飲泣蓼莪爾翁之於伯父也兄友  
弟恭雖以指繁致析田氏之荆時共姜家之被爾翁之持身也中  
矩中規思無越畔爾翁之治家也克勤克儉母以太康爾翁之讀  
書也潛心默識緬以年歲奈壯心困於弱質卒致有志未逮爾年  
甫七歲翁卽倦遊溯厥遺徽願女曹效之此則先君之行也至於  
母氏則有不忍述者母氏出自名門夙嫻姆訓相馭夫子黽勉同  
心羞束粟以維度薦蘋蘩而必飭守非儀之戒苴織作之勞猶其  
後焉者也若夫先君告殞畢世茹荼竹染淚以成斑栢經霜而愈

勁一爲未亡人奚難投繯拒飲相從泉下獨念一抔之土誰拜掃  
之六尺之孤誰撫字之余一身爲傅氏之母爲傅氏之父爲傅氏  
之師爲傅氏稽覈之督遂躊躇而飲血終慷慨以旌心殫厥恩勤  
俾兒成立瀟七夜雨時聞鳴杵之聲慘七晨霜不滅畫灰之字撫  
曾孫以柔惠遇臧獲以恩慈卒以嫠婦之孀居撐家聲於不墜壽  
近七旬慈逮三世蓋母氏之稱未亡人也纔三十二歲而撫藐遺  
孤也歷三十五年其負重涉遠豈一時兒女子情至之事可彷彿  
其萬一乎余聞太學言不禁穆然曰誠哉是可傳矣敬書之以垂  
不朽云

嘗

乾隆己巳禊月

小弟鵬飛沐手拜撰

○飲賓焜三百九十二府君傳

己卯仲春祖廟享祀余與祭焉余詣從兄光春暨姪紹淵紹紹任家迎余款飲語及修譜將竣紹淵追念先君之德恐志行久湮請余爲狀嗚呼府君捐世己三年矣按府君諱光暉字永生仁慈寬厚克儉克勤秉理家政橐無私儲率昆季水耕火耨苦志經營至于分荆折爨田廬陂池各從其便余嘗嘆有古人風迨後年愈增志愈勵構廳三楹顏曰種義堂門墻輝映祝村由此益振若夫睦鄰族慕急公閭里實賴焉邑侯程公聞其善聘請賓筵時值七十誕辰衆紳華戚製錦稱觴束帶峩冠芝蘭繞膝優樂相聞固一時之勝也厥後養願修德家務悉付佳兒徜徉自適享年七十七而終元配方氏育二女而卒繼娶金氏舉二子紹倬早殤紹淵弱齡母氏又亡復續吳氏產男紹鶴安人卒于戊寅六月三室皆稱賢助



而吳安人相夫訓子爲尤淑也。紹淵紹鶴務理幹謀，復新堂構，痛  
父母之未厝，延卜吉壤，不惜厚價。俟年向而合葬，余承警欵爲跡，  
甚稔，因據其實以附家乘。

昔

乾隆廿四年歲次己卯荷月上浣之吉

從弟庠生毓琦謹撰

○焜三百九十八文學傳

公諱燿，字文卿，號斗瞻。天資穎異，弱冠飛聲，黌序名師，宿儒咸以  
遠大期之。公顧不屑于功名，嘗曰：古人一日養不以三公，換今幸  
高堂無恙，得盡愛日之誠，吾志畢矣。因而左右就養，朝夕不離親  
側。其後厥考有疾，維持調護，歷寒暑不倦。床褥褻器，必親身蒞之。  
奴婢勿敢諉公。昆季二人，怡怡友愛，白首相聚，毫無間言。子弟輩

雍匕睦匕食指盈百而未有拆也鄉評顏其門曰繩居五世先是  
公祖環輿公墓文正公義田之制倡建懷義堂助產若干畝以周  
里中困乏公敬承祖志主其會計每歲終擇貧而無告賢而不給  
者周之衰邁不能行者親賚其門施與之法彷彿希文而變通焉  
衆惠者不淺至於大宗祠祀產頗多經費浩大非廉而有才者理  
之鮮克稱職公獨任三十餘年小心謹慎不辭勞瘁告退之日一  
出一納銖兩不爽同事服其廉能享年七十而卒身沒之後人  
猶思其德余童時聞公名卽慕其爲人後與其嗣君經士交因悉  
其生平爰不揣鄙陋約其槩而爲之傳

崑

乾隆二十四年四月上浣之吉

郡廩膳生眷晚侄葉邁倫頓首敬撰

○履冰先生序贊

焜四百五九六文學

向予在深塘或有持深塘八景詩示予者予於吟哦諷咏之下愛其清新俊逸詢之卽其鄉履冰先生所作予嘗步其韵以和之旣而與其嗣君適安接觀其人恂匕擗匕言必以誠行常有度固知爲謹守士也遂相與訂交焉由是日復一日乃得耳熟先生之爲人矣先生諱光深字汝淵履冰其別號也居恒孝事雙親友愛諸弟謙和睦族敬以久要不立異以爲名不徇人以枉已故至今宗族鄉黨猶頌其爲人弗衰生平沈默寡營耻爲物累常坐卧一小樓經史橫陳圖書叅錯終日偃仰其中恬如也弱冠列黌宮共指爲文壇飛將而先生自視欲然至於秉鐸四方其所訓導者必先之以德行然後輔之以文義故其春風所被恒多成就有長沙游學譚生者與先生最爲友善其往來贈答詩歌積若干卷予嘗反

復披閱心竊慕之且自恨不獲與之上下論議其間先生旣歿譚生嘗爲先生作墓表一章叙先生之世系行實至詳至悉予因推其意以序之且以勉其嗣君適安宜大衍薪傳于弗替也於是乎

言

乾隆二十四年孟夏月穀旦

邑廩生眷小侄俞化龍拜撰

○深塘太學生傅州如公序

焜五百五十四

竊思外務理者必銳于才內行修者必立其本不立則品無由端才不銳則事無由濟斯二者誠立身行己之要圖而處世經方之大節也深塘太學生姓傅諱光涿字州如者其爲人信可謂銳于才端其本者也其處家庭也奉嚴慈則以孝稱自少至壯不改孺慕之樂遇昆季則以恭著自壯至老不易友于之忱故其族謙夫先生嘗以孺樂名其堂而邑令程公亦以誼重孔懷之額獎之

其端于本者如此其處鄉黨也則懷謙睦飭廉隅勿吝財不恃勢見艱寡則扶持之見強禦則沮抑之事值盤根錯節則判之削之人有雀角鼠牙則排之解之爲一鄉所倚賴故在之日人咸服其直而畏其剛及其沒也莫不追而慕之以爲不可復得公旣饒于幹畧調度有方迄今家業豐起堂室增拓則皆由公手經營擘畫以致此也家口繁衆各有本業延師以課子弟俱彬彬敦禮讓之風焉若乃捐貲以造輿梁散粟以蕪貧困河潤及于里黨此皆豐於囊橐者之所能爲亦遠近之所共知而無煩余之縷述也嗚呼若公者可謂能自豎立生有聞而沒可紀者矣元配莊氏壺範悉端母儀克立如夫人李氏溫恭淑慎助理中饋丈夫子三長曰文清性質直而優於才飭治家政綽有父風次曰文德習儒業專勤力學蜚聲有兆季曰文玉頭角端好方學樂誦詩矚目者莫不同

以令器許之予嘗爲其家西席而令嗣文德時從予遊故知其梗槩如是乃因其請而爲之序

嘗

乾隆廿四年孟夏月之吉

邑庠廩生眷弟俞化龍拜撰

○仙元公贊引

規五百七十二

敦行莫先於孝友勵節莫重於信義人之克副此而無愧者蓋亦難之茲翁乃城南傅族之望也自其

先世祖伯八十八府君遷居溪南壽樂已十數世矣而予地界比鄰賓叨西席習與翁之令嗣恒久處想翁之生平懿行嫜節有未可爲一二數者姑舉其大者言之建祠廟而重本源是其孝也親宗族而勤款接是其友也言必誠而約必踐是其信也紛必解而困必扶是其義也有此數端已足不朽而況居心之質直

東山傳  
處衆之謙和何一而非卓匕足稱乎則其無愧於族望也宜哉

晉

乾隆廿四年歲次己卯孟夏月上浣之吉

姻晚生葉大稔拜撰

○觀光公行傳

焜五百九十九大學

長山諱焜字宣卿號觀光者代有令德以孝友詩禮世其家公幼穎異遇目成誦習舉子業所爲文一遵先正典型黜華崇實不逐於時諸筆研伍悉雄長之後值數奇屢躋場屋人皆爲公脛腕公處之淡如也兄斗瞻邑庠名宿憫公年將始仕不必僕匕競此微名爲之附入國子太學而公則快匕不屑就及親友勸之謂郎君彬匕郁匕行將奮翮天衢公姑退步可也乃俛首以從焉事厥父文學條源公母范安人先意承志左右就養無方夙以孝行稱父沒後與兄怡匕相愛垂老同爨食指甚繁不忍拆箸家下出入一

任兄手並不計及私積如此者六十餘年以故合族紳士僉稱爲  
難弟難兄贈以繩居五世匾額蓋自其高曾以上嘗五世同居至  
公昆季而復遵循先世遺風與當日義門鄭氏之九世不拆又何  
異焉自奉清約終身未嘗衣華衣而厚於鄉鄰篤於姻友見有貧  
乏不給者勿俟告假每多餽遺或喪不能塋婚不能娶輒爲助之  
生平樂易可近言不爭先行則讓路未嘗以機巧疑人人亦不忍  
以僞投之共服公之誠故也家有婢年及笄可以字不取身價擇  
人以配之謂此亦人子情不相遠詎不足復遺種耶其仁厚類如  
此淑配黃安人生在名門素嫻母訓幽閒貞靜婦道克修伯煙早  
逝視衆侄如已子侄媳如已媳一體相待不分爾我此與伯氏共  
爨六十年雖公之友恭所致亦安人之賢德相助以成也產三子  
長士彭次士愷幼士林公以已志不遂益加善訓而三子均能體



父心次子士愷方冠後卽遊黌序蜚聲藉匕長君旋以縣試第一  
入庠而幼君之文章現遵矩步庚午安人先逝而長君長媳相繼  
以亡當此之時公固不能不愴然而傷然自達觀勿作俗人戚匕  
也故能皤然爲長山一叟至癸酉年六十四偶染微疾然固無恙  
也坐立如常笑語如昔子媳侍側呼飲三杯不疾而就正寢以卒  
時四月八日也噫嘻何公之善終乃爾乎以此知公之得天者厚  
修養者粹故能存而順沒而寧也予學同窻年同庚稔悉其性情  
與行事因修家乘爰不揣謏陋而爲之傳俾後人見其大畧而動  
景仰之思云爾

昔

乾隆廿四年歲次己卯仲春月上浣之吉

義邑庠生全學弟王令德頓首拜撰

傅樂如公行序

焜六百廿七

深塘傅公諱光泌字樂如者係森一百二十四府君之幼子也其爲人儉素賦性敦龐朴茂有餘而文學不足然薦紳先生蓄道德而能文章者則往匕亟稱之蓋以其務實行而絕浮華也公之昆季三人怡匕友愛俱無間言其後伯與仲並相繼沒各遺寡妻孤子二人然家道少羸僅供饘粥而傅公則敬寡嫂若慈帏撫兄子如已子奉養訓誨莫不脩至以鄰故里鄉黨多以義聲稱之當其時公年始壯時念資生未裕不足以贍內外于以犁鋤畝販鬻蘇松農賈兼營不辭勞頓銖積而寸累之不數歲間漸致盈溢今其年亦既髦矣因以家政寄其後嗣以自休其餘閒陶然自樂有無懷葛天之風斯時白髮滿堂童孫繞膝寡嫂之貞志克全孤子之室家咸立使橐有餘貲而晚景足

樂者非君之幹略經營曷以致此安人潘氏極稱賢淑敬事妯  
娒撫愛子姪雍匕睦匕亦克相夫君成家嗟乎如傅公者誠可  
謂庸中佼佼者矣今以其族纂修家乘倩其友人某者問序于  
予匕因序其梗概如是

崧

乾隆廿四年歲次己卯孟夏之吉

邑廩生眷小侄俞化龍頓首拜撰

深塘飲賓乾如公序

焜六百四十二

深塘飲賓姓傅氏諱倅藩字乾如者其爲人賦性惇龐持躬古  
樸優游恬澹不慕榮利渾匕噩匕彷彿羲皇上人聞其少時寄  
身畎畝肆志渙樵經營操作不樂與城市結緣言詞舉止多質  
少文而濟困恤艱尤所素裕上則敦其孺慕之樂下則致其友

于之忱以故鄉鄰宗族多以孝弟稱之自其冢兄旣沒卽以家政  
寄其季弟因擯絕世故却掃紛拏以自休其餘閱嘗身構巨厦于  
新塘山腹松竹四周清波前漾當天朗氣清乃卽戴笠扶筇臨流  
倚樹觀魚聽鳥以倘佯於山水之間故見之者不目爲漢陰丈人  
卽指爲洛中遺老丁丑歲邑令楊公聞其年德雙美足爲鄉鄰楷  
式因卽請赴賓筵復書碩德流芳之額以獎勸之其淑配曹氏無  
非儀敬守閨型齊眉偕老有孟氏遺風連舉四子亦皆怡匕恂匕  
綽有父風而次君文芳人尤以白眉羨之今爲其尊嚴丐序於予  
匕思傅公之爲人寄其志於無懷葛天之上列其名于三老五更  
之間履潔懷芳逍遙自得誠可謂盛世耆碩也予因不違其請遂  
書其梗概以爲之序云

峕

乾隆廿四年孟夏月上浣之吉

金華縣教諭年家眷弟周烈拜撰

焜六百八十六行狀

飲賓

余房兄諱光春字永年貌溫而恭體直而方仁慈寬厚慎動謹言  
勿談鄉曲短長徜徉耕鑿足跡不履公庭耳目不習官吏其爲無  
懷氏之民歟其居家也同氣擅分荆之愛共支篤一本之歡孝弟  
力田聿新堂室於兄種義堂後創樓廳三楹規模精固顏曰里仁  
堂續置田產嚴肅內外敦修禮義至於享祀必務豐潔輸課必預  
先期或本支系絕捐資以立神主或同派塚平助石以勒墓碑賙  
賑以濟歲歉埋瘞以掩孤骸而且齒髮暮矣祖墓祭掃躬率子孫  
登塋禮拜語曰某祖某墓汝等其毋忘由是娛心志樂晨夕有時  
康步閭里與鄉耆話桑麻較晴雨有時閒趨扁館與先生問疑字

課子孫其樂天年也類如此類萎荆枝不忘鵲鳩之痛早分琴瑟  
不求再續之絃可以見其恩誼之篤矣配李氏產子紹祿厚重謹  
飭孫從興隆嶄然頭角是皆可以光大兄後所謂積善而慶者其斯  
之謂歟望隆月旦敦請賓筵寵錫冠裳亦兄之所應得者也今遇  
輯譜因述其事而爲之狀

曾

乾隆廿四年孟夏月上浣之吉

邑庠生從弟毓琦謹撰

○焜七百二二府君傳

歲己卯距翁歿之二年東山傅氏以譜事告竣內弟燕公向霖乞  
言霖謝不敏霖樛櫟材言之亦何足爲翁重內弟固請因再拜珥  
筆霖爲翁門下壻時獲親炙翁之丰旨故於其生平大概爲能約  
略言之翁爲華麓公之嗣君生而岐嶷聳壑昂霄英爽逼人眉宇

少長入塾習舉子業師甚器之期以遠大壬寅華麓公修文地下  
終鮮兄弟無人掌家事遂棄舉子業緣例入太學翁曰人奚必紆  
青曳紫爲哉苟倫物克修足矣故顏其堂曰亦政亦可以覘翁之  
志矣性至孝事嫡母張太君依匕終身盡孺子慕人無間言賦質  
勤儉不尙奢華有太古風晨興晏息終日亶匕不倦神采煥發才  
思颺舉事緒紛投而中自有主寧靜肆應悉中肯綮故終公之身  
無輕舉無悞事也推誠待人然諾不苟人有稱貸貧乏逋欠置而  
不問航慈溪義邑通衢橋圯翁捐金修建便人利涉洵稱濟世之  
慈航焉歲辛未婺大荒米珠柴桂人掇草木而茹煉石脂而食有  
菜色郡邑各鄉俱議捐賑而翁慨然爲首倡當事具報議叙貢入  
成均譽望隆於一邑初有疑翁儉樸者觀此當釋然矣原配王氏  
夙嫻姆儀相厥夫子克成家業擬以古之鍾郝不是過也生三子

曰士燕曰士魏曰士楚皆英雋絕倫而伯季蜚聲壁水諸孫環庭  
森立含飴而弄洵足樂也翁之善乃難以枚舉平生大概霖知之霖  
言之翁之德固足以垂不朽霖亦將隨以不朽矣翁生於康熙之  
癸酉卒於乾隆之丁丑年六十有五諱山字六皆別號介山

子壻夏逢霖頓首百拜撰

長山霽一公傳贊

行焜七百八

聞之人以品重品以德崇有德有品斯足楷模後輩表率梓里長  
山霽一公者諱炯字仲輝爲純齋翁次子幼時姿性敏達體貌軒  
爽爲識者器重當時吾邑塘下洋金桐鄉公貴家也爲女相攸難  
許可一見公卽以東床屬之稟體羸弱不勝攻苦因例入成均居  
家以孝友稱事伯兄甚恭兄謝世後與季弟明陽公彌加友愛雖



夏山傳比十一 修家譜  
折居終日與偕笑語怡匕至老不衰生平矩矱自持進止有節衣  
不必甚華而整潔不苟常如見賓貌莊而肅與人相處未嘗妄發  
一言故雖有能辯者對公則自息而矜情躁氣爲之盡消蓋其端  
肅沉默之感人如此鄉鄰有緩急輒慷慨施之恬淡自安不肯役  
匕於利其族議建

關帝廟族衆以公廉謹請公督其事公即捐金以倡經營出納歷幾  
寒暑始得告竣公素不喜煩冗而此事獨任勞瘁以 帝爲光明

正直之神爲匕所素敬故也噫公之心亦于此可見矣元配金安  
人生自貴族來嬪傳門能敬且和克全婦道事乃姑以孝處厥婣  
以和其不恃門第以驕人抑又末也安人生一子名士賢亦列辟  
靡循匕有乃父風女二一適莊一適嚴側室蔣生一子名士挺年  
甫冠餘文章已遵矩步體度亦極雅幽將來未可量也余向慕公

之爲人今其幼子士挺從吾遊因更悉其行狀爰是不揣謏陋特爲之叙其梗概云

乾隆廿四年己卯之夏

義邑庠生眷弟王令德頓首拜撰

焜七百五十九鳴亭公暨何氏安人傳

東山鳴亭公友人文光衡君之祖也稟性峭介讀書務專精受業義邑孝廉陳先生于適志園先生宿學碩儒四方能文之士俱集而公最稱好學歷寒暑無少間非定省勿歸也體弱而數竒善病少試屢冠其曹值院試輒以漱血阻竟艱于一衿生平落七寡交無多言無妄笑卧疾數年未嘗問家事疾旣篤命囑集架上書及生平所爲文謂諸子曰貧富壽夭命也吾家無長物惟以一經遺

汝曹耳言訖而瞑蓋公夙根捐介胸無塵累故能去來自如歸真  
有如蟬脫也時年三十九師友咸傷之公諱震字四階鳴亭其號也  
配安人何氏義邑東何名族書家夙嫻婦則公既沒安人事翁姑  
彌篤姑王太君係繼娶年相去不多事之尤盡禮親調甘旨翁姑  
未食不敢嘗也妯娌四俱接之以和而敬故白首無異辭躬勤紡  
紝鍵持門戶內外井匕教諸子慈而肅出入必以告擇賢師友成  
就之安人知書通大義其孫文光嘗與余言幼喪母育于祖母最  
愛惜少時自塾歸燈下必令背所讀書或與述二十四孝子事夜  
分乃罷噫安人課孫如是課子可知乃知吾友之父與諸叔砥行  
而立名守公之遺而成于安人之教也公三子長諱豫字定士孝  
友性成動循古道次諱師字友士弱冠游庠篤學能文早卒幼諱  
正字端士織毫不苟人如其字蓋余自乙亥歲與衡君交苦樂與

借促膝晨夕久矣曾謁其尊人稔知其家世爰次第之而爲之傳  
且謂吾友曰君之前人播之耘之未得收而食之潛德幽光久而  
必發是將在君矣君其勉乎哉

告

皇清乾隆廿四年歲次己卯仲春

邑廩生春晚生方淇拜撰

飲賓焜七百四九一傳公諱光彰字昭先傳

系由夢卜紹華國之芳徵蟬聯東山擠名賢以接踵范公惠周桑  
梓後人式照其休郭氏誼重金蘭奕世永戴其德惟親翁七松逸  
品五柳名流讓棗推梨霽然孺慕之高致好賢樂善儼承下榻之  
清風噐若汪洋人如岳立堂名淳發肅家教以義方號取祥興忻  
天倫于具慶聲馳吳越不減陶朱義重魯邾猶然季路所以花前

投轄時集嘉賓岩下携琴常招勝友洵浙東之翹楚實婺南之珪  
璋也由是郡守湯公雅羨幽人素仰清幹虛左以待延之賓筵側  
席而求評以月旦伍商山而同皓難擬高卑入竹林以齊賢無分  
伯仲懷才未試望軼名區矧夫壺德媲美于孟桓母儀迴踪乎鍾  
郝齊眉舉案夙標閫範之儀型錦瑟和鳴預整箕裘于勿墜爾乃  
子雖一鶚才華堪擬荀氏之八龍孫過雙珠穎悟克倣河東之三  
鳳桂枝挺秀蘭砌繞庭家擅一經後先濟美門隆七葉風雅流芳  
陶令高賢豈無意於命子鄭元遺老應自樂於課孫此張蒼梧所  
以眉舞而謝康樂爲之神怡者也歲在乙亥處士星沉節屈一陽  
長沙鵬集玉樓有召長吉亡乎桂殿將開東野去矣弟係朱陳世  
好元白通家技等雕虫愧名大雅之聞望才非繡虎難繪碩德之  
輝光敢綴俚言用伸夙契

皇清乾隆廿四年歲次己卯孟春月之吉

眷姻弟郡庠生葉禧盛頓首拜撰

恭贈

景書老叔像贊

焜七百七十七朝奉

性謙而樸貌温而肅一團和氣襲人時有笑容可掬品重似金人  
淡如菊雖隱商干何嘗僕僕拓爾先疇怡情醞醖天立厥配既賢  
且淑貽厥孫謀惟耕與讀行看蘭香桂馥永迓夫百祿

皆

乾隆甲戌歲臘月之吉

族侄貢生步宜拜撰

并附祀田開後

出字二百四十四號

田拍一畝一分一厘七毫五系

土名下祝塘下西瓜塘五斗

三百十八號

塘拍一分六厘六毫七系 土名下祝塘

二百四十六號

塘拍二分 土名西瓜塘三股肉得一

股畜養魚尾青菱

一千六十號

田六分二厘 土名長生塘東邊三斗

一千五十九號

田一畝二分 土名長生塘下五斗

一千五十九號

田四分五厘 土名長生塘下二斗

一千廿四號

塘拍二分 土名長生塘

一千一百十七號

田三分六厘 土名山場

一千一百十九號

田二分八厘八毫 全上

一千一百二號

塘拍一分八厘 土名上菴塘

又附次子祀田

坐八百十一府君

出字一千六十一號 田八分七厘 土名長生塘下三斗

一千廿四號 塘拍三厘五毫 土名長生塘

一千九百八十三號 田一畝九分一毫五系

土名爐塘下七斗

一千八百五十五號 塘拍九厘 土名爐塘

祝水傅醇翁序 焜七百八十一飲賓

南陔孝子相戒以養也南陔廢則孝友缺通小序之義則知養不  
一端而孝必該友密友上鄉之言曰余讀蓼莪矣先文學公年四  
十一始舉伯兄焮循是以下次炳炯焮炳四兄季郎不肖焮也先  
君一意治經而課子甚嚴緣兄居震索稍不當律必跪謝乃已歲  
行戊戌先君捐館舍兄年二十二某生六年矣諸兄大都少不更



事喪葬之禮兄獨任之慈幃陳氏素日善承先大人意至是以藐  
 諸孤婚者嫁者倦匕於懷也遂善病經年不離牀褥某常就傅別  
 塾給假入子舍見慈親寢側常設小木榻為吾兄侍奉湯藥假寐  
 之所凡中帟廁踰一匕親浣滌三數年中未嘗一夕間夫欲報之  
 德昊天罔極兄之為此非以云報而其子若孫累匕成行某常以  
 乃父乃祖立身梗概屢為開說者甚欲若曹刻誌不忘云又曰常  
 棣燕兄弟其填詞則以友生妻子伴設惟兄以友生翁兄弟且不  
 以尋常之合妻子者翁兄弟計某等之失怙也早兄則撫小弱就  
 口食固不煩以衣食從來但讀書無從受章句詩禮素風且中落  
 兄輒獨延師請諸弟業束脩之問不訾於禮元配嫂氏方來歸時  
 資送無慮百來緡吾兄幹辦家計負遷有無往匕及鏡奩中物  
 嫂欣然出之無後言末俗慳吝習實為常一絲半粟兄弟間多

齷匕不可者而吾兄乃若是且無幾微見於言面獨非友愛天至  
乎古者鄉舉之法必首孝廉卽今號乙科爲孝廉所本也吾兄克  
奉轡幃則孝不私已有則廉使赴賓筵者允若是竊以爲庶幾不  
負斯典矣余應之曰是令兄號醇鄉者也可謂孝且友如南陔矣  
向亦嘗親芝宇見其才用無不具而體貌溫恭渾匕無圭角已私  
揣其爲人八九今證諸所數詩典不啻隔行懸令上兄弟按笙八  
之譜倡和於埴篴伯仲間將二人之懷邁征之賡益暢然於律同  
之外何沾匕於南陔一詩僅存聲調必據蓼莪常棣之辭以貫之  
哉

皇清乾隆廿三年歲次戊寅清和首夏之吉

歲進士華川眷弟龔蛟騰頓首拜撰

○焜七百九十一衡山公序

昔予西席深塘有耆德某者時過從予館品評一鄉賢否然褒其所褒而貶其所貶者莫不了也况愜卽許家月且諒不是過一日縱談方劇而傅君文式適至予見其儀度則彬然聆其言論則恂也然因喟然嘆曰頭角崢嶸不言自異是誠可謂寧馨者矣而耆德乃曰子復未見其父耳其父諱光潯字南如實吾鄉之望人也孝友性成撝謙素裕然諾必信取與尤嚴而其氣槩軒昂言論風發尤足令見者心欽聞者意愜常與其長兄州如調度家政風興宴寐不避勞頓不數歲積儲漸廣家道聿興公實與有力焉至於愛衆親仁憫孤恤寡不恃富以凌人不矜已以傲物則又其天性然也年當服政已登仙籙而一時聞者見者莫不哀悼以悲憫之其淑配劉氏生四子冢不永年而文式則其次君也然皆亭也玉立迥不侔仁者必有後斯言也吾當爲是公卜之耆德之言如

是予聞而藏諸心者業數載矣今以其族方葺家史因卽追錄疇  
昔之所聞者以爲之序  
告

皇清乾隆廿四年歲次己卯孟春月上浣之吉

邑庠廩膳生俞化龍敬撰

○文學明陽公行述

行燧八百一

兄名燦字奎卿庠名聚奎幼失怙善承慈訓敬事伯仲壯歲游庠  
聲名藉甚以謹厚儉樸重於族由是公推齒德總理祠事歲戊寅  
公首倡修譜爾時立傳者大都聲聞過情公不欲曰昔人耻入  
鄉賢祠良有以也然懿行終不容沒同事隨私囑余乞謝不敏同  
事僉曰噫如公者足下能不勉爲之乎夫攸匕罔極亦各有得與  
採其華曷收其實公生平口訥不以賢智先人繩趨矩步犯不校  
唾自乾凡百忍耐謹也人有緩急藉潤分肥不形德色嫁娶凶喪

有贍故朋友姻戚鄰里多得其歡心厚也家素封自奉恒約不喜靡麗竒巧一切甘食美服弗御儉與朴也不嘗自銘座右乎處世不妨讓一着存心務欲厚三分此物此志也自辛未入祠時族內正值天水遠行迭訟不釋人多憚苦口公明計利害直指是非一經勸慰訟隨解其他鼠雀亦多藉賴歲凶兩麥不登議賑公挨族募捐不辭况瘁至辛未旱魃爲虐大飢則啟篋罄出羨餘又相率勸賑繼請於官獲濟數月族隨賴以安老子曰慈故能勇儉故能廣若公者是也至我輩同事於譜總出納司登記審工拙正亥豕雖分任有人公獨幾歷寒暑足不離局其職思於公又何如哉且公好看稗史好奕好堪輿爾亦好之今老矣與爾非手譚則譚逸事不則同游於佳山水間未嘗一日離也其安人俞氏淑慎賢明婦道足式舉丈夫子三長次例入成均幼尤著聲譽序歷次拔

予登先孫曹亦露頭角是皆爾之所稔知也噫如公者足下能不  
勉爲之乎余曰唯七諸公說予謹筆事覈實既脫稿同事持以示  
公七觀之曰信某七知吾心也隨以授梓  
皇清乾隆廿四年歲次己卯林鍾之望

昔

邑庠生小弟鵬飛拜撰

○焜八百三十六太學傳

東山傅氏焜八百三十六德洋公乃森八百六十四鼎元公之冢  
子也初鼎元公秉性堅孤不平則鳴非禮不可入而卒能與物無  
忤家業維新鄉黨郡邑靡不景仰此固鼎元公之德與福所致而  
德洋公冢子實維持之其時上奉嚴君下統三弟卽仲叔季志量  
均屬非凡而幼冲未任厥事則乃翁之擔冢子實仔肩之其勤勞  
之多奚堪縷述槩可推矣厥後鼎元公已騎箕公善承母志兄及

弟矣式相好矣內外子婦數幾盈百不忍析筋乃至擴而充之俾  
家業益盛此又後二十數年盡乎冢子之道者也其爲人言規行  
矩務樸實崇禮讓至時俗之鬪使巧怪矜情傲物者毫無所見於  
視屢居閒嘗訓子弟曰治家無別法秀習詩書朴勤耕鑿足矣若  
錙銖相競自謂得陶朱之術抑末也以故家庭中長幼各安其業  
悉循七雅飭公年至六旬遂與諸令弟共議百歲歸室之計乃覓  
地於洪塘畝卜吉同造生壙焉蓋不獨生前聯同氣之誼也是年  
冬公已告隕奉厝茲土公雖歿至今里中稱爲長者古道照人公  
論自有定也茲因修譜牒忝在西席稔知其人緣詳其始末以爲  
之傳 嘗

大清乾隆二十四年歲次己卯孟夏月

義邑庠生通家弟王令德頓首拜撰

飲賓聚翁傳君傳

行焜八百七十六

漢以孝弟力田取士故其時風俗淳厚天下殷富人材多不朽於世蓋務實勝也聚翁傳君其足應是科而不愧歟君諱光瀛字德聚行焜八百七十六東山鼎元公之仲子也髫年厚重少文不喜繁縟父鍾愛之入塾不多載輒棄書力穡董率僮佃勤相土宜桑麻稌黍凡經手植者歲收必倍乃翁富甲郡邑君贊勸之力居多也處庭幃間先志承歡依匕孺慕有老萊氣象父沒哀毀骨立葬祭悉遵禮法事寡母尤兢匕云君上有一兄下有二季乃能勞而不伐錢穀出入累千盈萬毫無猜疑怡匕相得友愛其天性也爲人重然諾好施與常造官溪大橋一座所費雖出家資而督工調度晨昏風雨獨力不辭他如賑饑砌路施棺捨藥多以已意行之不屑匕與昆季較也乾隆

年邑庠聘請賓筵給匾旌獎義聲



藉七載道享年五十八歲而卒淑配蔣氏事舅姑以孝稱庄夫丈  
子五長紹榕次紹桂三紹槐四紹榜五紹楷孝友克家綽有父風  
孫十一人瑤環瑜珥足稱家兒曾孫已兆其一聞聲知其足大門  
戶者君之遺澤長哉

峇

龍飛乾隆戊寅仲夏月穀旦

歲進士眷弟吳彭年頓首拜撰

焜八百八十一茂木行傳

昔陶靖節有言彭殤妄作是卽列禦寇所謂萬物齊死齊生之說  
達哉斯言及讀其詩又有芝蘭種不茂荆棘剪不去之句則失珠  
墮玉雖達者亦慨乎其言之矣予適董輯九修宗譜于能鄉再從  
侄每恨天奪其年之速也能鄉爲環輿公之孫子巽公之子生而

敦敏諸事克當乃翁心以鮮兄弟不欲以租稅瑣事煩乃翁也用  
是仔肩家務未及埋頭雪案然寬宏大度篤溫清敦辭讓施麥舟  
之惠於桑梓廣推解之恩於臧獲與乃翁之慈祥愷悌若合符契  
方嶄焉露其頭角何年二十有五遽爾長逝是奚啻失照乘之珠  
墮連城之璧也幸能鄉篤生一子試啼便知英物今將漸免於孩  
而元配黃氏青年苦節天之所以報能鄉者將在是矣然自能鄉  
歿如陶越騎之死人匕皆爲公惜而子巽公乃更康步健飯日習  
夫含飴弄孫之樂忘其喪明之痛其曠達襟懷卽方之陶靖節列  
禦寇諸公當不過是矣是爲傳

昔

雍正七年歲舍巳酉

再從叔 益頓首拜撰

夏山傳氏十一 修宗譜  
祝水黃太孺人節孝序

焜八百八十一元配

黃太孺人七都塘下女年廿一歸祝水傅能鄉諱光焜其翁博士  
弟子諱巽姑阮氏歸後四年孺人產一女配內姪庠生黃良純八  
年舉子紹壤次年所天能鄉歿子方週翁姑各五十餘太孺人年  
二十九老翁姑在堂幼兒女在抱且老翁姑自能鄉外惟一女一  
適李一適鴈塔邵氏旁無餘子侍餘年設此時失佳兒無佳婦何  
以克家孺人既抱離鴻之戚身爲未亾人矢志栢舟遂以老者亡  
子有子幼者亡爰有父千鈞重擔自任上事翁姑下撫幼子中門  
不出而經紀內外井匕有條屏鉛華躬織作奉其翁者十四五年  
至養始則垂三十餘年生養卒塋事匕盡禮又聘雁塔邵氏姑夫  
女爲紹壤婦今紹壤五桂繞庭一珠走掌微母氏力不至此余章  
句徒楊子初開係太孺人孫婿常爲余言太母孀居梗概在易家

人之六二曰无攸遂在中饋貞吉中饋者五飯酒漿孝養之所出  
也是之謂孝觀之六二曰闕觀利女貞程傳以爲不明見九五陽  
剛余則謂婦人永訣所天欲見陽剛何日之有惟相期地下爲正  
耳是之謂節爲貞吉太母以之祝水故名宗多經生守家法凡青  
年苦節踰五旬祠下兩祭心致胙獎之未也他日諸宗老廣徵貞  
烈傳請建節孝坊庶太孺人數十年冰蘖苦衷得所藉手以報  
兩翁姑一亡人於地下則余之荒言繁引仍未爲過當也

皇清乾隆廿三年歲次戊寅陽月初吉

歲進士孝烏龔蛟騰頓首拜撰

○焜九百奎聚公行傳

先生諱光炅字景星庠名芳升叔盛公之幼子性雍和樂易處家

庭祇父恭兄與人交一與傾蓋終身無疑礙每當公論事守正不  
阿理所折衷豁然舍己從人經理祠事一切公爾忘私常從義邑  
沈敬亭先生學詩文清雅與沈先生大同少異卒時年四十一其  
母俞氏太君已七旬有五二孤紹澤紹安俱幼德配黃氏平居寡  
默似一無所能先生辭世後黃克代子職事老姑益謹太君享年  
至九十有二紹澤少年克家紹安能讀父書皆黃之力也嗚呼先  
生不獲享夫壽考其材莫見於時然余讀其永訣諸詩未嘗不哀  
其志而想見其人焉

昔

乾隆廿四年歲次己卯孟夏月

邑庠生鍾湖葉天簡拜撰

皇朝詩話卷二十四平致文行派孟夏民苑

其學其行蓋因并書其言以激傲焉

養其脈之脈父傳其子而父傳其終之終則正其同家

正世同派之美美之昔德將嘗信語魯風又或曰子孫其父而

衣終其終其終其終且終日為人習衣終其終其終

世以歸衣以歸其其其人矣其四子以歸其終其終

風調之及其終其終其終其終其終其終其終其終

粟于公以歸其終其終其終其終其終其終其終其終

○太學生開如公序

熈九百五十一

君諱汧字開如乃深塘太學生也少肄儒業以其冢兄既沒因身

任家政遂棄去勿習君治家勤敏雖薄物細故必親身檢點然後

即安嘗治第數區凡飭材鳩工度基定製往七自旦至暮以身區

畫其間故其庭其冥罔不經營盡美居恒儉素勿事侈靡行則有  
恒言不妄發恂匕然鄉里稱爲善人至于事兄長則友恭克殫訓  
子孫則寬嚴並至接賓朋則禮意情文初終不懈處鄉黨則敬老  
慈幼靡有闕遺且賦性慷慨秉心慈惠辛未歲郡值大饑君卽納  
粟于公以佐一時之困郡守公聞其樂施卽書解推無倦之額以  
風勵之又其族議修家乘君復踴躍爭先卽捐貲以爲通族倡舉  
此以觀亦可想見其爲人矣君四子伯與仲早相繼歿而叔與季  
亦錚匕俊匕稱其家兒茲且孫已成人曾亦繞膝屬在遐邇多以  
五世同居之美羨之昔楊傑嘗記龍墻周氏有曰子養其父而逮  
養其祖之祖父鞠其子而及鞠其孫之孫此五世同居實錄也予  
旣序其行誼因并書揚君之言以相贈焉

皇清乾隆二十四年歲次己卯孟夏月穀旦

眷姻弟張超頓首拜撰

太學若陵公傳

焜干二十六

翁諱鳳鳴字若陵號秀竹禎吉公第三賢嗣也天資淳厚氣度冲和渾七噩七內剛而外柔饒有先正古風焉孝事嚴慈友愛昆季持已接物一惟先民是程其大節之昭七族黨咸稱道勿衰性質實務大體不修邊幅磊落英多動必以正嘗曰禮義廉耻人之四維人生世上蓋可忽乎哉好經史披卷長吟輒負知人論世之識胸中具經濟才居鄉里遇人有鼠牙雀角力爲排解梗直不撓愛憎取舍槩以大公至正行之偏袒之私纖毫不介於懷故人皆帖然悅服前習舉子業寒暑勿輟初構藝自出機杼不屑傍人門戶臨校試而取青紫自猶拾芥耳無何堂上一二尊耄期倦于家務伯仲與季俱孝弟力田難以總煩劇不獲已以家政自任棄帖括務



夏山傳記 一 修宗譜  
焦勞拓堂室以紹箕裘飭紀敦倫可謂施於有政矣越數年因例  
入成均以作發軔之階蓋其觀光之志尙未肯以鄉曲終其身也  
元配賈氏名門淑媛孝公姑敬夫子種七婦職靡有勿殫舉一丈  
夫子名紹笙卓犖不羣孫從周蘭芽茁秀他日所就均有未可量  
者是歲傅氏重修家乘族孫其萃與翁相得甚歡爲翁素傳於余  
匕與翁忝在瓜葛之親且素叨雅愛熟悉其生平因不辭謏陋爲  
之傳以誌不朽云

昔

龍飛乾隆二十四年歲次己卯孟夏月穀旦

義邑庠生眷姻弟吳 盛頓首拜撰

德登翁行傳

行焜 一十四十一

翁諱光洲字德登鼎元公之第三嗣也少而明敏志詩書塾師每稱其穎悟嘗謂其高祖仰潛公以文學爲東山倡此子真堪步武也至弱冠時家稱素封持籌出入非鼎元公一手所能經理遂命翁佐而理之因不事舉業翁惟時匕左右嚴君極意處分事宜卽遇重大之謀不速之客畧無震撼平心而應裕如也且鼎元公秉性嚴毅多所詈責翁敬承之惟勤匕勿怠而已及鼎元公仙登後事安人益孝謹如建橋梁以濟人行施棺槨以恤孤死焚券息債以完聚人之室家安人所欲爲者翁悉協諸兩兄季弟體慈意而爲之於乾隆拾年間郡公邑侯肅請翁爲通濟橋董事不惜重捐應請翁意以利濟郡邑多人而慈母更愉快也翁年方三十歲餘恩選進士歲辛未八邑苦旱貧者苦飢哀鳴嗷匕翁乃蠲資百金

同族好施者往他省買米以賑之至壬申年春又捐三百金於官以賑之當日公之家固甲于一鄉然目睹其父辛勤之所積及已與諸昆季併力同心勞瘁相繼而後致此豐裕乃慨然出之不吝此真所謂積而能散者也後奉 恩例授吏目由是名聞鄉邑配

孫氏閫範克端相夫君而善助舉六子次入太學長與三與幼皆受學於予將來鵬搏而上拭目可待今翁年僅踰五旬由是而杖鄉杖國杖朝其善行當必更有可錄茲因族修家乘就所知而爲之傳

昔

乾隆二十四年歲次己卯孟夏月

義邑庠生通家弟王令德頓首拜撰

崑九百九十四府居誌銘

兄諱光珠字連城號合齋生平質直端厚恭謹慈惠寬然長者幼  
失怙恃 大父撫愛最厚闢館延師讀書業儒緣家多故棄筆硯  
充府承科吏管案牘文卷絕無刻薄態後又撥祭禮科勤著績考  
授經廳恬退任家政有倫有序家道肅睦雅好賓客酌酢歡娛遇  
喪必濟遇荒必賑遇紛爭鬪怒者片言婉解則釋然以平鄉隣多  
倚賴焉越辛未檄至固辭不仕飲醇陶養心胸含飴弄孫日與耆  
老叙談鄉曲享年五十七生二男子長紹源權子母之利次紹浦  
犁谷口之雲一女適楊向平之願畢矣孫男七人標槐楠楫極榷  
櫛雖未成立其中質樸可農俊秀可儒異日皆有可觀者每歲時  
兄嫂雍容堂上二子率諸婦孫子羅拜階前人皆指爲偕老之慶  
不謂一疾不起溘然長逝嗚呼兄其逝哉兄旣逝鄉耆于何談心

而娛老<sup>琦</sup>等於何商確而質成悲哉乾隆己卯四月以疾終於正

寢辛酉卜葬柿樹塘山合徐氏之壽藏距深塘祖塋百餘武二侄

泣血請銘以耀隱德誼有難辭<sup>琦</sup>雖不文按狀而為之誌

乾隆歲在己卯桂月

弟毓琦沐手謹撰

男紹源百拜敬梓

附育字二千六百十六號山拾畝土名周五隴柿樹塘

焜一千六十八步巖公暨元配吳安人傳贊

公諱兌字悅階曾叔祖繼來公之長子也少警敏書一涉目即通

大意繼來公謝世家務冗劇公身獨任援例入國學後又貢入璧

雖為人豪爽自負仗義而疎財嘗謂人曰生不布施死何含珠南

華老人教我矣郡邑重建通濟橋七為浙上游通衢規制冠全省

工程浩大公倡捐董其事同事者皆殷戶而饒于才而公為最時

郡五馬鄭公程期甚速公所督先報集大蒙嘉獎又以其公直舉爲東鄉約正此當年之功令也公父嘗爲之公辭之不許身至各庄誦講科條殷勤勸諭人亡翕然樂聽當日邑東息爭無訟公與有力焉好交游客常滿座暢飲極酣以爲常生平敬宗而尊祖凡于根本之事廢者舉之無者設之至各處碑銘凡勒捐款者皆有公名公沒後遇有公事猶羣追惜公之不在也其爲鄉里所倚賴如此得年四十五而卒元配安人吳氏和柔嫻婦道承順姑嫜佐公起家公在日賓客填溢安人主中饋酒漿饋饌咄嗟立辦故人皆知其賢性不妬以已从未育爲公納側室一待之若娣姒然舉三子愛之如已出公沒後治家有法撫教諸子俾各成立五旬時其家諸昆弟贈額以獎之曰德全壺範夫家母族衆口一時知非虛譽也夫無其事而稱之與稱之而過其實皆誣也若公與安人之事嘖匕在人口矣爰述其槩而爲之傳

時

皇清乾隆廿四年歲次己卯仲春月

從孫邑廩生銖謹述

焜一千二百四十九太學履泰公行畧

公諱豐字豫階號履泰曾叔祖繼來公生二子長步岩公次即公也  
公爲父所鍾愛補國學時甚早弱冠而失怙事其兄甚謹是時兄秉  
家務慨爽好施予公唯匕聽命未嘗一言阻撓析居後謹守先業生長  
膏粱坐享饒裕而自奉節儉終身未嘗製一鮮衣謂吾享祖父之遺  
而忘其所自來何以示後人然一切義舉無不慨然應之辛未之賑  
飢郡邑之義倉前後所捐不下數百金署名常先諸殷戶蓋好義樂  
施吾先世家風然也族中以其忠厚而謹細公推總理祠事出入楚  
匕且兼爲公中生息不私絲毫輯修宗譜則捐多金以爲首倡始終

終其事勿諉勿倦爲人沉靜寡言與人居終日恂也如不能出諸口  
未嘗以財驕人見不如已者益下之故里中人匕稱爲長者大約公  
之生平謙謹以保身樽節以保家敬宗睦族不過求益與人無競爭  
此衆人所共稱非一人之私言也配吳氏安人喬出椒山太安人卽  
其家內姑也安人承奉惟謹未嘗以愛怙之故稍失婦道佐公理家  
凡公興作之事安人內助之力居多以已艱于宜男早置側室舉四  
子其不妬蓋猶伯姒云

嘗

皇清乾隆廿四年歲次己卯仲春月

穀旦

從孫邑廩生銖謹述

崑一千五百九十六元配莊氏孀人傳

孺人履湖莊氏邑庠生若士公次女卽余妹婿其璠公冢嗣光前之



配也氏卽係其燦公甥女幼喪母事父至孝父愛之日與講義理無不  
通曉余妹媾嘗於探親時見其簡默幽靜甚奇之囑余執柯懇爲子室  
若翁以瓜葛之親素知其家一言而允父愛其女之德留家二十五歲  
方歸余甥光前先是內外家俱富當歸時舅家頗清孺人處之泰然交  
謫之聲未聞於室惟勤儉自力善事姑嫜至舅患痿痺臥病在床已  
十餘年其間寢視膳必恭調劑藥餌必謹逾久不衰勸夫出就外傳  
脰簪珥以佐脂膏夫好交遊解雜佩以延客友於是姑姐娣姒咸愛  
慕之多嘆行之勿及舅亡孺人方患產症不起床褥必衰麻淚哭家人  
勸勿事此孺人曰翁姑娶媳原欲爲養生送死計今之靈柩在堂吊  
容填溢者謂獨余舅也哉余翁也數日之內泣而言言而泣竟以哀  
感而成篤疾將終見夫淚下甦曰夫君哭舅宜也哭妾如外人議可  
其謹慎不苟于終如此卒時年二十七嗟乎余甥孺人者天何厚之

以德而不壽之以年乎此所謂數難齊而理亦難信矣余欽其德  
因不壽於天而爲壽於筆庶常見有婦人云

昔

呈清乾隆廿四年歲次己卯仲夏月

穀旦

灑州府守葉新撰

傅人翁諱楚玉公行狀行世十三

傳自商霖著美喬派衍及東山世有達人載在史冊後伯八十八

公再徙溪南壽樂延十餘世與東山相繼起而所稱地靈人傑者我  
太翁楚公卽其人焉公天性渾然一切世情勿染爲人不立崖岸以  
寬厚處世或有非意之于情恕理遣而已生平慕陶靖節之爲人  
課桑問麻有悠然見南山之致余嘗謂風俗之壞皆儂巧者雕琢  
如公之醇樸無文廉隅自飭一舉一動悉與天會所謂老成典型

東山傳  
非耶安人秉性賢明存心慈愛凡遇孤貧俱有賑恤尤喜修齋禮佛  
今年八十仍晨起誦經康健如昔其所護庇乃其所自爲也舉子三  
皆能克家大拓前業於昆季間更極友愛孫曹亦循匕雅飭語云積  
善之家必有餘慶信夫

時

乾隆廿四年歲次己卯瓜生月上浣之吉

眷晚生葉大啟頓首拜撰

東山仲文老親翁序行坐卅三

親翁仲文先生生而峻整器宇凝厚志行端方擦履無玷性孝友奉  
養慈闈每食必具并脆始終勿缺兄逝遺一嫂一侄迎與同居撫侄  
如子教之成人此人情所難者生平未嘗失言失色與周旋如飲醇  
醪不覺自醉益由醇謹忠實足以飫其心而饜其意人亦不得以非

禮干之家三世業醫至 先生而益精其術每對人言吾以之養  
身亦以之積德小心謹慎藥不虛投匕無不效凡遠邇之請謁者  
戶外之履恒滿而 先生經歷之處四方數百里內咸有車轍馬  
跡焉邑侯 汪聞其名數延請至署疾尋痊爰旌其閭曰功贊坤  
元噫技至此神矣乃 先生非特精於岐黃抑精於堪輿祝湖之  
濱有吉地焉去家居不上里許宜爲有目者所共識而天若隱留  
之以待 先生余嘗至其處見其山環水拱星繞沙迴真金鎖玉  
鈎形也夫根幹之大者其枝葉必茂而垂蔭自廣泉源之遠者  
其滙瀦必盛而澤潤靡涯今以 先生之樹德務滋因獲吉兆於  
其身於其子孫繩匕濟匕芝秀蘭馨丕振家聲簪纓不絕將于是  
乎在又安敢以不斐故而不一叙其巔末也

雍正六年戊申秋季中浣

歲進士候選儒學教諭

華川眷弟沈之升頓首拜序

贈紹新傅翁序行 五十二

歲在著雍攝提格東山傅氏蒐厥家乘凡紳衿耆碩有嘉言懿行堪式乃家俾登梨棗用垂型後喬友人傅子世亮揖余曰族雁行紹新翁年高德邵願乞言

先生以垂不朽余曰嘻艱哉不狎不

迤台實罔聞知其奚信今傳後世亮曰弟子敢陳其畧 先生櫛

次之足矣余唯以其略曰翁諱紹新無字居族之西偏曰楊村蓋十有餘世代多隱行不干犯於有司惟農自務翁略識之無輒率乃祖攸行嘗曰父母勤勞耕種厥子不知稼穡艱難乃逸乃諺可乎爰沾體塗足誕肆力於田功祈寒暑雨罔有怨咨厥父母亦忘其爲貧家子而油匕胥樂也一庄克勤克儉勞先僮僕未完國課罔敢御酒肉游手好事之徒經厥里怛怩却走用能繁育子孫粒

紅貫朽潤及三黨罔有德色厥季紹堪艱於嗣爲置側室今翁四子  
從章從雲從義從良義方是式已各有孫孫又生子季亦舉三姪從  
棟從高從祖頭角振七一家三十餘口五世同居內外無間言邑父  
母屢表其閭匾音足核翁梗槩如此余聞言起敬曰翁其古昔先民  
歟風之偷也由於棄實務華有無相耀耨鋤見德乾餼來愆一本之誼  
薄何有閭里族黨允若子言鄉物六行猶可於翁見之豈必腰金衣  
紫勒績旂常始光譜牒哉易曰積善之家必有余慶翁其有焉吾於  
是而嘆東山世澤之長與吾麗風氣之厚也爰振筆以復世亮之請

昔

龍飛乾隆二十三年歲次己卯仲夏月上浣之吉

眷生椒山吳彭年拜撰

東山傳  
處士寧邨公行狀行年五十三

歲在己卯林鍾之望東山傅氏宗譜將成同學知友字華美者欲爲其嚴君諱紹址字宏宇號寧邨先生誌不朽因晚忝在相知數四以請晚不獲以不斐辭聞先生幼甚聰敏及長博極羣書每製藝理法悉宗先正稿旣脫諸筆硯伍爭雄長之先生昆季四後因拆去其次三尊翁亦辭世遂覺方寸已亂無意進取惟於閭里中造就後學其教思所及大能增長人智慧故傅族蜚聲庠序之多半出其門下且其爲人寧方毋圓寧拙毋巧持躬則有嚴有翼涉世則無詐無虞卽服御飲食亦甘淡泊戒華靡而於朋友之貧窮親戚之困乏者常不吝其推解合族之紳衿祠理稱其忠信樸誠文行兼舉遂敦請先由於丙寅歲主鬯鄉党中咸謂數十年來惟先生始可告享格無慚耳元配倪安人賢淑早逝續配張安人克繼前徽倪生一子諱從鈞卽前

知友華美騰茂辟雍諸孫亦露頭角馥郁庭階他日之克振家聲  
可預卜焉先生明年已八旬矣而猶強固精明健飯康步其由杖  
國杖朝而臻百歲也不又足慶哉

皆

乾隆二十四年歲次己卯季夏月上浣之吉

眷晚生曹思周頓首拜撰

坐八十八公雙喜像贊序

茲雙喜者余

載從叔銳先暨

淑配陳孀氏也 先君子雁行輩皆金昆玉季而所最親暱者惟

叔一人無論晦明風雨花朝月夕常相往來而聚首談心之下每焚  
膏以繼晷一日 先君顧余指 叔而言曰爾知之乎此吾門之中



流砥柱也家雖饒而樸素自守不役於名不孳於利惟孝以奉親敬以待兄謙以持躬和以接物洵所稱謙也君子溫也恭人也即其內助之賢後裔之孝亦由義方之訓有然他如排人之難解人之紛周人之急濟人之危種也善狀不可以屈指計爾其知之余因先君之言也詳是以誌之也悉今春吾

叔雙喜繪成展軸詳視果見形神畢肖丰彩如生欲附一言以闡幽德因即以先君之所囑余者而爲之贊且爲之序云

昔

皇清二十年歲舍乙亥孟春戊寅之吉

小姪從勛薰沐頓首拜撰

東山明遠先生序讚

行坐一百六十四

始予赴童子試嘗晤

先生於祥符禪院望其儀容凝重如山軒昂

如鶴聽其言論則霏匕不絕又如鋸木屑然與語移晷不能自去  
當其時固知先生非一世士也自辛未以還始得與先生時  
相過從承接顏色乃益知先生之爲人甚詳且悉先生姓傅  
諱步宣字景宜別號明遠乃婺庠宿學也生平儼恪溫恭不事雕  
琢其積於中者則純粹而淵深其發於外者復簡易而平淡閒居  
和樂色笑可親臨事裁處不動聲色每與之遊則如飲醇醪使人  
自醉性嗜酒飲能一斗每以漢書爲下酒物雖劇醉而容止不少  
亂先生博極羣書上自姚姒下迄元明凡諸子百家以及稗官  
野史罔不周貫洞徹故其發爲文章經匕緯匕自成一家風骨至  
友教四方恒以循匕善誘爲念凡請業者莫不因其材之高下力  
之淺深以曲爲導引故其所就多一時知名之士甲戌歲拔俊於  
鄉人皆以爲榮而先生不色喜乃知先生之意固不在是蓋

欲著書傳後廣教益於無窮也丙子八月間寢疾告其子曰予病  
革矣吾何求哉予死後切不須佛事所取田共計一石七斗一係  
黃大塘下一係東河山肯永奉吾夫婦之祀言未畢竟溘然長逝  
嗚呼其騎箕天上耶抑駕鶴帝鄉耶吾不得而知矣夫人李氏尤  
足爲一族女宗聞其相夫子則有鷄鳴戒旦之風訓諸兒則有熊  
膽助勤之教舉四子而少君文美尤能克繼父志翼序有聲共指  
爲文中能品嘗與予有把臂交因以其先君命序於予予固樂爲  
先生序之

皆

皇清乾隆二十三年歲舍戊寅臘月

同邑廩膳生俞化龍拜撰

閑若公行傳 行坐一百七十三太學

吾妹丈閑若公係豹文公之次子也少從學於惟周公之門與世兄

鳳張公交最善斷絃者再其後娶黃氏實吾同胞妹也自吾妹歸閑  
若公僅數載卽捐館而逝余彼時未暇識面及公歿往吊因鳳張公  
談及始末乃得悉妹丈生平大約其爲人也友愛性成待昆季無存  
沒之異雍和足挹處鄉隣無貧富之嫌其於豹文公所遺舊產不惟  
能守之而且有以拓之其爲文也不可知以父沒而當家早遂托身  
太學以終其身家口雖衆整齊畫一卽孤寡亦寂無怨言可不謂能  
焉者乎獨惜其才大而小用之也至於交友一節尤爲可取凡屬知  
名之士無不傾心款待積久如初天道無知竟抱伯道之痛三娶而  
無嗣育一女適吳宅細壁公冢子繼子紹拔又夭歿嗚呼蓋可悲矣  
幸吾妹寡居有男子之襟不吝重價謀置佳城并前配之延擱未葬  
者悉使與夫同穴安厝以是里中皆稱其賢茲適當修譜之日余不  
忍妹丈與吾妹之志行湮沒爰是以不文之辭遂述其大畧如此

昔

乾隆二十三年歲舍戊寅九月望日之吉丙弟黃見龍拜撰

坐二百廿八府君暨倪氏安人傳

從兄諱興字啟生孝悌力田人也性坦率喜酒好朋友家頗饒裕克勤克儉從伯焜六十九府君性好土木連年構造棟宇焜耀里閭兄與有力焉爲人慷慨代糧捐賑一切好事知無不爲前縣主程公給匾旌獎族重之公舉爲保介暮年乏嗣因益放於酒凡花朝月夕必羅致同心縱飲取樂知己有以餒若敖氏代爲憂者兄曰無庸從古無兒寧第伯道哉有子不令且憂遺生前安望身後若爲血食計則籌之熟矣吾觀式穀之家不過以享以祀春秋以杯酒滴地而已終日醉鄉朋友莫測所爲後疾篤遺命嫂氏將田若干畝助入大宗祠立祀又取屋三台立爲小宗取田若干託親房輪流值祭自禮字

府君以下七世及亡弟坐三百三十四茂才俱取祀產以垂永遠蓋  
產既歸公則變易難斯產存而享祀不與俱存哉元配倪氏無非無  
儀克盡婦道凡身後計悉遵遺命生一女適施因族修譜嫂氏囑和  
爲傳故跡其巔末如此

皆

皇清乾隆廿四年歲次己卯荷月上浣之吉

載從弟和沐手拜撰

坐三百廿七鹿翁老舅繼室黃氏節行傳

節之彖曰苦節不可貞節固苦也唯婦節爲尤甚蓋其矢志立心直與  
古來忠義之士同一肺腸威不能怵利不能動露寒月冷不折不磨而  
實爲世所罕有此前人所以必躋諸青史而不容氓也是歲交秋之望  
胞弟告予曰妻舅鹿友翁繼室黃氏孀居已八年已五旬矣今傅氏舉  
族旌其節行欲丐數言以誌譜牒因備述其巔末余誼不容辭爰卽所

述而文之翁諱牲鹿友其字也幼習舉業穎悟過人弱冠遂失怙克志承先家計較祿元配楊絃斷繼娶黃氏方期玉樹垂英誰知終抱伯道之嘆竟以修文見召是時黃氏年尙少所共晨夕者惟一女侍而年亦僅二十餘鹿翁慮寡妻弱妾之難守遺命以膏田若干畝助入大宗祠又以膏田若干畝助入小宗祠以爲先人祭祀之資守與不守悉聽氏自裁黃氏此時唯含淚俯首默無一言及夫殯塋已畢遽閉戶幽處服縞素之裳絕紛華之服撒環瑱之飾惟日與女侍勤紡織習女紅足跡不履戶外甚至薪水之需俱從門外別牖而進其冰清之操歷數十年如一日焉洵所謂之死靡他者歲寒知松栢信哉吾知鹿翁雖亡亦必欣幸其有婦也是用不揣固陋而爲之傳

大清乾隆歲次戊寅麥秋月上旬之吉

義邑丙辰恩科舉人吳輝美拜撰

堊五百廿五文學暨曹氏孀人行傳

從弟紹璫字成士號鳳池士彭其庠諱也平生凝重鎮密凡作事不肯輕意及就塾工製藝銘心刻志不肯稍懈壬戌秋以童試冠軍受知邑尊程公遊庠後復邀薦入本郡麗正書院執經於丙翰葆林陳公相得甚歡每文會多占人頭地後緣攻苦太過心血被傷而復遭家多故既喪明旋失恃哀毀交至而弟自是遭危疾矣元配曹氏名門淑質四德素嫻見夫病日益篤計無所之外每籲天哀告祈以身代易簣時一慟幾絕從叔觀光公其舅也慰諭良从復甦曰夫亡子喪殉死分也維念吾舅在堂誼當終事然有二叔在未亡人何得苟延歲月乎既殯慟哭如前踰月喪畢沐浴更衣果縊以殉合族祠理紳衿咸嗟悼之旌獎其門顏曰節烈誠哉其姜而後有嗣音已又憶從弟疾革時親堂兄弟咸來執手訣弟曰死生命也復何言但吾家繩



居五世弟兄八人怡七無間某前得子而殤無以緜大人冢派血允  
賚此志沒爲耿七耳復何言覲光公大慟曰兒毋慮吾計之稔矣嗣  
後各爨當將兕已田二號計一石四斗附入

祖父森五百十三府君派下爲後日永祀蓋不附父食而附祖祭以  
昭從昭祭法亦合且與同爨共食繩居聯貫之誼爲尤愜弟遂沒時  
乾隆十五年五月十三日也嗚呼天上修文人間埋玉瑤枝之不容  
次根塵土如是乎此不獨從叔割腸大痛卽吾輩洒淚田荆常棣鄂  
韡減色多多矣哀哉辛酉年分居覲光公遂命余立約二紙附入位  
育兩房分單簿內開載詳明永爲定式今修家乘聊序其始終本末  
以表賢夫婦之梗槩云

乾隆廿四年歲次己卯孟秋之吉

從兄邑庠生士升旭初氏謹書

銘六八永慶公元配巴氏孺人貞節傳

予嘗讀詩至柏舟未始不嘆其姜之矢死今世難其人也及聞傅母

巴孺人節概而又不敢薄今人而愛古人孺人生長名門委禽望族

年十七賦于歸未載周月而良人捐背呼天愴地幾欲無生因腹有

遺珠堂有二老忍痛節哀誓以守志繼邀先人之靈得延一線

孺人即向舅姑而慶曰幸矣若敖之鬼不餒矣乃未終制而舅姑隨

逝兼遺呱也之幼叔以重 孺人憂孺人則倒篋傾囊為舅姑營葬

勤勞紡織以撫恤二孤此其備歷諸艱悲悽慘怛之狀不待身受者

剗心即聞風者亦酸鼻嗟也富貴之家閨闈後麗飾珠翠佩金玉居

瓊綺食肥甘一旦鏡破釵分初終易節時或有之乃 孺人獨能茹

茶飲藥費經營者若何其艱善奉事者若何其苦遭顛沛者若何其

甚藉提携教育者若何其思深慮遠此在男子且難之而 孺人矢

心貞志處之若素不惟報亡者於地下而更肯堂構於生前傅氏之  
先靈感之傅氏之後裔頽之是誠方之古人而無愧者矣又奚待旌  
閭表墓始信其馨傳千古也哉不佞爰是而爲之傳

皆

皇清乾隆二十四年歲次己卯季春月吉日

眷婦弟葉經惟九氏頓首拜撰

合族軼傳叙

竊惟萁莢朱草不顯效靈而錮朽木皓月景星不獨懸曜而湮衰莽何  
則精緼而終洩者亭毒之仁也啓晡而著幽者調燮之公也故天山能  
積五月之雪而寒谷亦到三春之輝凡隸葳蕤孰氓色相是以國史民  
風互憑藉以昭混吾之化迹職巡牧相繫維而敦清穆之譬賤草非清  
廟之味必合百香而薦秬鬯坭塗豈元英之响必和八音而成韶舞夫

假物之美以成功棄物之微以尊己甚矣其惑也故錯節之株山澗  
之毛鍾山之瑤滄海之光離微邈而珍至尊其勢然耳諦觀典籍嘿  
識後先童子著名於蚊蚋勞臣廻馭於崎嶇以至蓬白泉女草野愚  
氓一節之奇流傳千古蓋往也而然矣合之而爲一國之史散之而  
爲萬姓之譜纂輯長歷夫久遠耳目難免於闕遺然而青雲未附氓沒  
無聞順風而呼先春而澤壘也遊俠或多太史之扼腕累也碑銘罔  
顧中郎之愧色謬托從隆之道委原孝子之情豈識夫遇由舛降屯  
生意表故冉子招疾於芣苢汪童殤年於戈甲黔婁衣不掩屍啟期  
吟而帶索塗泥辱多甲之老遺金披盛夏之裘彼皆當世賢士聞人  
也猶然遭此困阨况片善微能涉世之末流者乎其湮滅可勝道哉  
卞璧隋珠不崑不海十室忠信固有率孩提之篤合檢括之真行不  
爲名性不滑習此蓋得之天成匪托閱閱詩書之素者也因斯以論

夫以採風成史過索岩藂矧乃收族萃譜維風善俗而甲乙後人之  
象貌離岐先人之氣體其可乎懲戒之義別有攸寓善七惡七譯春  
秋短長之旨百年茲舉亦人鬼榮辱之會也夫籟以宣候喑七鳴深  
樹之焉芳不炫俗馨七吐幽谷之蘭故春暉穿隙而煦淒風尋帷而  
入所以通氣候普變化也若此類夸修而不逢時婁與身迫肉隨露  
稀生死沉埋豈不惜哉余不佞獲校茲役披之春錦陶以河沙世德  
具是矣輒感慨於聞見之所未周乃兼得故老之所傳述若而人各  
系事而爲之傳嗟七記七逸而事闕夷朱述五人而名止裘仲文獻  
兩湮契於象外可也故傳而爲之叙倦七三致意云

伯六十六府君讀書篤大義母寡居事之備至家雖貧言動能依名  
檢然諾著於一族嘉靖間糾衆創譜牒摻剔殘缺迄今賴之

伯八十三府君伯九十八府君玆一府君繼娶徐氏子雖以少子見

昵事先母兄益恭母謀益其橐辭曰是禍吾也日約少年爲郊遊絕口不言生產生平不識城市先母兄互以資雄但從之飲酒而已昆季異母終身無違言其自寡也人追憐之

于三十府君年三十妻病危與訣誓不再娶卒如其言爲人仁慈精於岐黃家言救人危急輒驗輒不取卽寡者延之無不爲盡心力尤精於婦人科最後歲臘多持進或勸其續卽不續置婢毋饗飧自苦則曰是不可以須臾婦乎且吾與亡者言之矣其篤性如此年七十五終

禮三十二名成廣字伯大年三十喪妻家亦克然勤治穡又朝夕兼治炊也長老憐之屢勸其續泣下曰禽鳥尙不忘偶而况於人某日幸有一子嗣蒸嘗矣壽餘六十悽然鯨也

禮五十二名克環家貧甚治腐黎明丐門鬻殮某門前遺金首飾二

兩遽輟鬻細訪其主還之左右唾曰真丐子也天與之不取而以還之是可覓白金數倍差足營生矣環曰日鬻日殮腹幸不虛足矣雖得金無所用之其安分如此

禮百廿五名濫家貧有子不治本業屢戒之不悛一夕裹外物以歸伺得其狀撞地欲自盡曰吾乃爲賊種乎左右力持之遽械其子併物鳴鑼聚族族長老曰律恕初犯且其罪不至死濫曰如此是教之再犯也發憤大叫曰賊死出囊於腰囊其子置深池中立死闔族愕然自是吾宗凜匕罕有爲非者

禧十八名邦卿字繼寵兄弟五人貧甚父嗜酒無厭兄弟爲馱散曰吾朝夕實腹之不能也而乃安然擇嗜於酒卿從人傭賃主人與食匕舍酒貯歸飲之率以爲常或不克丐酒代且一夕雨雪父僵臥藁蓆中卿匕則卿携酒至矣父且飲且泣卿亦泣撫之曰兒幸在足供

父飲父旣以天年終逢主人與酒輒涕泣曰父何在乎弟邦文稍類之

禮百三十五安人吳氏義烏人也夫嗜遊不治生爲家人譙讓久之自悔無策軼匕脫身去絕無音耗甫一載流傳客都下死矣安人則日泣啼絕飲食家人勸之曰丐子悞若何家之不可以居若置之愈慟雙目乾枯瞽矣子甫十歲能以舌餽之愈一日先是謀載其柩歸度家人無可與語乃罄簪珥襟禕與外兄弟謀曰傷哉誰家無遊子獨令爲他鄉怨鬼也乃得歸塋徐婆塘山去家數里歲時寒食躬率其子上塚悲哀動路人子乃感之爲廬墓側之安山焉

禮百四十一安人陳氏中道棄夫一子幼夫之昆季自糊之不給爨匕焉依則諷之出及所以搖撼之百端安人矢志益堅越二十餘年卒能成其家以畀一子一子復天不克終養迄今母孫相依爲命也



禱六十一兄弟三人幼失父家貧作力養母長兄指揮二弟一弟唯  
七恐後旣數十載度羸資可置一婦三人則相與謀吾儕已矣奈何  
使先人一脈及吾身斬也長兄曰吾年踰四十分當鯨其先婦仲弟  
少弟次之二弟則伏地請必聘嫂及嫂歸稍七有客兄稱主人二弟  
奔走供役任不辭

禧八十二文學禮九十四府君子也兄弟三人季一百十四以賈敗  
業四壁徒立至索負日盈門計無應之淚下幾欲自盡矣則數具食勞  
苦之且慰之曰得失時也子年且壯寧無子之時乎丈夫不可負債吾  
與仲代子償之子及時爲別計季恍然悟乃客長安於是爲食會諸債  
者旣償妻若子嗽七伯仲偕撫之如季在家時季得無內顧時稍七賈  
復焉仲行百七十一其兄弟篤義如此則文學之遺耶

鉅二百三十九名思壽性至孝家貧善網罟肩貨爲生父嗜酒凡出必市佳餚以佐酒或無餚則以網罟所獲者精羞之以克簞當炎暑則設几於涼風處執壺侍食握扇揮蚊以歡其父遇寒月則移座向陽治絮溫衾侍奉尤至父終世孝養不衰祠嘉其孝給肉米以旌之沛七十九有子不務業作非屢戒不悛一日祖廳能一府君座前失去鐵燭臺一對後跡之知爲勾盜竊去其父會親屬縛之沉於水以警衆

沛百四十三繼妻張氏夫亡姑老遺二子幼人多疑氏不能存而氏矢志代夫事耄姑撫幼子笄匕相依日從里婦中代爲貿易資薪米奉養及姑歿二叔皆前卒惟氏獨任喪葬具祭銀送舅姑與夫之主以入祠皆人所難者而氏能終事盡禮如是至子稍長卽嚴督之治生漸致阜餘人多矜而賢之

沛七百四十三名本爨孝事父母父病將危侍奉湯藥不效乃嘗泥  
以進父匕爲延數月而卒居廬於戶外及至塋而後已  
敬養其母身業藝不敢遠出曰庶早晚可得溫清也且友其兄急爲  
娶嫂以代母勞族稱其孝祠爲給胙鼓吹前導以旌焉

### 三孝子傳

昔人以廬墓割股不稱爲孝豈其以人情駭俗之事爲難能乎然世  
有捐軀死難捨身殉節爲忠臣爲烈婦者苟割股不以爲孝則捐軀  
捨身不得爲忠烈哉世人多借此文其所難誠不知其爲何心也

族有處士諱邦契邦奎元機者天性孝友至行純篤善事父母順志  
承顏不辭勞力一夕邦契母沈氏構疾親爲嘗藥不解衣帶者數月  
疾劇甚籲天告祝割股以療母蓋以所重有甚於遺體故罔敢藉口  
於毀傷而母病竟愈人以爲孝感所致也邦奎母童氏病久晝夜泣

禱上下神祇乞以身代母疾沉疴割股作羹餽母食而病不瘳及卒泣  
下沾襟有踰人子所不能者元機會父母雙疾醫藥不治人有言股肉  
可療親疾俟直靜焚香拜禱割股以饋二親人莫有知者未幾二親疾  
革不起歡粥寢苦哀毀骨立鄉人嘖嘖嘆賞焉嗟夫之三孝子者孝本  
天成性由根生方之古人孝無忝矣昔鄭德罷父病醫禱勿愈祝天割  
股啖之病愈鄉里呈於縣令贈詩以揚其善哲續修宗譜有此三孝子  
合宜表揚以風啟後人深愧不敏不善屬文聊贅數語效古人賦詩揚  
善之意餘俟後之立言者採錄

徵仕郎叔懋成哲撰

按宗譜自辛未總理胥所公爲三孝子立傳後吾族聞風繼起者代不  
乏人畧以盡乘曠修湮沒多有今茲之役其有孝行彰聞者或特見傳  
傳若後數人者尙未錄又然以聞見所及烏容氓諸  
庶風勸此外遺佚尙多皆各毋不能開報非闕缺略爾

一紀

可延數年其他若

系晉所公曾孫

焜七百

卅六長

子

堊七百一名世安字帝吉生于康熙五十九年庚子二月

十四日未時卒于乾隆四十九年十二月初八日卯時

葬父墓前左娶嚴氏生于康熙五十四年十一月十八

日巳時生三子

從積

從求

從魁

焜百卅

子

堊七百二名世陸生于康熙五十九年庚子二月十八日

辰時卒于乾隆四十七年八月卅日寅時

焜七百

堊七百三名紹埏字庠士號毓秀更名士賢太學生族推

十修譜長生于康熙五十九年庚子二月廿九日

時

卒于乾隆四十一年六月初三日巳時娶馮氏生于

五十七年十一月十九日戌時卒于乾隆

二十二年六

十七戌時

上虎頭與弟

生

銀

一

子

之

四

卷一百一十五

字

六

詩經更名

序

生生于康熙五十九年庚子四月初二日寅時卒于乾

隆四十六年正月廿日巳時娶曹氏生於康熙五十七

年二月十六日未時卒于乾隆六年五月廿五日午時

繼曹氏生于雍正元年十二月廿一日子時卒于隆隆

廿四年十二月初十日戌時生三子 從鏌太學從鏐太學

從釵庠又繼龔氏生于康熙五十九年八月十九辰

時卒于乾隆卅八年二月廿六日巳時合葬水閣井山

坐七百五名紹璧字朝士生康熙五十九年四月卅日寅

時娶莊氏生缺卒乾隆廿年三月十七寅時庄一子 從繁

坐七百六名紹吉字美士號于斯生于康熙五十九年庚

子五月初五亥時娶施氏生康熙五十五年十一月廿

子 魁 九 百 十 六 長

次 子 九 百 九 十 九

